

prodest. Dioscoridi et Galeno Dracoco proprio ictui applicatus placet. Aeginaeta cerebrum piscis in potu praescribit et sulfur cum aceto imponit. Aëtius locum affectum cum plumbo fricari jubet. Piscatorum experientia jecore illito dolor mitigatur, foliorum lentilci affricu pun-

ctura curatur. Genuenses exiguum Thlaspios genus, quod in ipsis littoribus nascitur, admovent. Recentis piscis e capite cinis, contra omnia venena prodest, mirabili discordia, si Rondeletio credimus. Plinius, ossibus gingivas scarificare jubet, ut dentium dolores sedentur.

PUNCTVM III.

De Dracunculo.

TAB. XXI.
6.

Dracunculi Plinius inter veteres meminit. Inter Recentiores a Rondeletio describitur. Est piscis marinus inquit, dodrantali magnitudine, cotto fluviatili non multum absimilis, rostro acutiore, et capite latiore, Ranae etiam piscatriei quodammodo similis; sed Rana piscatrix ore est majore, pinnis concoloribus, quae in Dracunculo variae sunt. *Capite* est magno, compresso, *rostro* prominente, *ore* parvo sine dentibus, sine ulla ad branchias scissura; sed hujus vice supra caput utrimque *foramen* est, ut in Hippocampo, quod, nisi dum piscis vivit, eoque aquam trahit, et emittit, manifestum est. *Oculos* magnos supra caput positos habet: capitis os in aculeos definit ad caudam spectantes. *Pinnas* longissimas pro corporis magnitudine habet, partim aurei, partim argentei coloris aemulas. Quae ad branchias sitae, aureae sunt, in radice argenteae. Quae in supina parte, a caeterorum marinorum piscium pinnis, situ magnitudineque dissident: nam et ori propiores sunt, et longiores iis, quae sunt ad branchias. In dorso duae eriguntur: prior (hac in pictura vix apparet) parva est, aurea et argenteis lineis distincta; posterior ma-

gna admodum in medio dorso, papilionum alis non valde dissimilis, radiisque quinque hordei aristis similibus, membranaque constans. Radii priores longiores sunt, posteriores breviores, contra quam in membrana, quae singula radiorum intervalla, veluti intertexta occupans, paulatim crescit. Eadem quoque varia est, lineis etiam argenteis in medio duarum nigrarum sitis distinguitur. Haec in medio dorsi cavo veluti in vagina conditur. *Aliae* est a podice ad caudam, etiam aurea demptis ejus fimbriis, quae nigricant. Corpus totum sensim gracilius fit, et in pinnam longam terminatur, cujus fimbriae nigricant. Est et picto corpore: nam ab hujus medio, argenteae lineae ad ventrem ductae sunt. In maxillis partibusque anterioribus veluti punctis argenteis notatur. *Ventre* est lato, plano, candido, cuticula tantum tegitur. Capitur in Agetesi littore, inprimis Caniculae vigentis tempore. Venuetas et summum Dei in eo artificium pretium ei fecere. Carnis substantia Gobionibus parvis similis est, iisdem alimentis vescitur. Ictum minus venenatum habet.

Icon Dracunculi Tabula XIV. 2.

PUNCTVM IV.

De Uranoscopo.

TAB. XXI.
7.

Piscis, quem *Uranoscopus* seu coeli speculatore dicimus, Aristoteli, Dioscoridi, et Aeliano καὶ ἀνύσμος, Theodoro *pulcher* dicitur, non tam ob corporis pulchritudinem, deformis enim est; quam vel quod Uranoscopi nomen sit pulchrum, et homine quam pisce dignius; Massilienses *Tapecon* quod, cum pessi instar conformatus sit, aliquam cum pudendis similitudinem habeat; et *Raspecan*, quod ca-

put ob asperitatem ad scalpenda pudenda muliebria accommodari possit, vocant; Oppianus ἡμεροκόιτον, quod interdiu dormiat, noctuque vigilet, Hesychius et Varinus ψαμμοδιτήν seu Arenarium dixere, quidam ἄγρον, id est, castum, Athenaeo vocari credunt, sed mendum fuisse putat Gesnerus. Piscis est laevi cute, eaque dura, et quae facile excoriari potest, praeditus: corpore fere rotundo: *capite* magno